

# O Le UUNAIGA e Siaki Pateta Falai

*Sa i ai se lagona malosi ia Maya e siaki mea o loo gaosia ai.*

**Saunia e Haley Yancey**  
(E faavae i se tala moni)

*O lenei tala sa tupu i le ISA.*

Sa tipitipi faamanifi e Maya ia strawberries ma ffaapoopo o le pesini o le salati fualaau aina suamalie. O fualaau aina suamalie o lana meai lea e fiafia lava iai. E fiafia o ia i lanu sesega uma. Ma e lei popole lava o ia pe a 'ai ai!

Sa tele ni meai e ma'i ai Maya. Sa tatau ona ia faaeteete ona o le 'ai i meai sese e mafai ona ma'i tigaina ai o ia. A o laitiiti o ia, sa mao lona inuina o se susu povi ma sa faigata ai ona manava. Sa tatau ona ia alu i le falema'i. Sa lei manao o ia e toe tupu lena mea.

O nisi taimi sa faigata ona 'ai i meai e ese mai i ana uo ma aiga. Ae sa ia iloina e taua le nofo saogalemu.

Sa ave e Maya le salati fualaau aina suamalie i le fata. "Ua uma ona tapena le salaki."

Sa ea ane i luga Tamā mai le ulu sa ia saeuina. "Lelei tele! Toeitiiti taunuu a tatou mālō."



ATA NA TUSIAE CHRISIANNE SEBAEIN

Sa faalogoia e Maya se tuitui i le faitotoa ma tamoe atu e tatala. Sa ataata atu le aiga o Johnson ma faifeautalai ia te ia mai le faapaologa. O le au Johnson o ni uo a le aiga. Sa fiafia Maya e toe vaai atu ia i latou. Sa ia tatala tele le faitotoa mo tagata uma e o mai i totonu.

A o latou faatalitali mo le taumafataga o le afiafi, sa faali atu e se tasi o faifeautalai ia Maya se faatogafiti. Sa le mafai ona ia iloa pe na faapefea ona ia tosoina ese le tupe siliva mai lona taliga!

E le'i umi ae oo i le taimi e aai ai. Sa faia e Brother Johnson le tatalo. Ona latou laina uma lea e asu a latou ipu.

Ina ua oo i le taimi o Maya, sa ia asuina se asu telē o le salaki fualaau aina suamalie. Sa iai ni meai sa ia lē asuina ona sa ia iloa sa i ai le susu i totonu.

Ona ia pikiina lea i luga o se pepa pateta falai lapoa ma sasaa sina mea i luga o lana ipu. Sa foliga mai o le ituaiga lava lea e tasi sa ia 'aia muamua. Sa ia tuuina le tasi i lona gutu.

Ae ina ua amata ona ia lamuina, sa ia maua se lagona malosi. *Siaki mea o loo gaosia ai*, na fai mai se leo i lona mafaufau.

Sa taofi le lamu a Maya. Sa ia tilotilo i le lisi o mea o loo gaosia ai i luga o le pepa. Sa i ai le susu i totonu!

Sa uu mai e Maya se solopepa ma feanu i ai ia pateta falai i le vave na ia mafaia. Sa loimatā ona mata. Na te lei foloina. Ae mata e iai se mea leaga o le a tupu?

"Tina! Tamā!" Sa faanatinati atu Maya i ona matua. "Sa ou tuuina se pateta falai o loo iai le susu i lo'u gutu!"

"E le afaina," sa fai atu ai Tina. "Sei aumai le fualaau." Sa folo e Maya le fualaau na tuu atu e Tina ia te ia ma manavanava loloa. Sa sii e Tama ia Maya a o la faatalitali sei aogā le fualaau.

Ina ua mavae ni nai minute, sa fai atu Tina, "O le a sau faalogo?"

Sa lagona pea e Maya le fefe. Ae sa leai se mea faaletonu na lagonaina i lona tino. "Ou te manatu ua ou manuia. Ae e mafai ona ou maua se faamanuiaga?"

"Ioe," sa fai atu ai Tama. "Sei tatou fesili atu i faifeautalai e fesoasoani mai."

Sa saofai Maya i se nofoa, ma sa tuu e Tama ma faifeautalai o latou lima i luga o lona ulu. Sa latou faamanuia ia te ia ina ia saogalemu. Sa lagona e Maya le toafimalie. Ua te'a ese uma ona lagona le lelei.

"Na faapefea ona e iloa e siaki mea o loo gaosia ai i luga o le pepa?" O le fesili lea a Tinā.

"Sa ou lagonaina se lapataiga mai le Agaga Paia!"

Sa tuu atu e Tamā ia te ia se opo lapo'a. "Ua ou fiafia lava sa e faalogo iai."

Sa luelue atu le ulu o Maya. Sa ia iloa e alofa ma popole le Tama Faalelagi mo ia. ●

